

TRACTATIO JURIDICA,
DE
USU & ABUSU
TORTURÆ,

VULGO:

Vom Gebrauch und Mißbrauch

Der

Heinlichen Frage,

QUAM


IN ACADEMIA FRIDERICIANA HALENSI

D. X. JUL. ANNO MDCXCVII.

HABUIT

HEINRICUS DE BODEN,

POTENTISSIMI ELECTORIS BRANDENBURGICI CON-
SILIARIUS ECCLESIASTICUS IN DUCATU MAGDE-
BURGICO, AC PROFESSOR JURIS ORDINARIUS.



EDITIO NOVISSIMA.

HALÆ MAGDEB. SUMTU HENDELIANO. 1726.

W
26/4/05

A.189373

6075 D23

HEINRICUS DE BODEN.



UNIVERSITÄT BONNEN
BIBLIOTHEK

DU



PRÆFATIO.



Quamvis nihil certius sit
quam ipsam naturam
(juxta effatum Florenti-
ni Jcti in l. 3. ff. d. f. & f.)
cognitionem inter homi-
nes introduxisse, & homi-
num inter se conjunctio tam latissime pa-
teat. H. Grot. d. f. B. & P. lib. 2. c. 25. §. 6.
ut exinde Sanctissimus legum interpres, de
omnium legum Divinarum maxima in-
terrogatus, noluerit cultum & amorem O-
mnipotentis Dei solum omnibus aliis legi-
bus præferre, nisi dilectionem proximi ei-
dem parem collocaverit; Matth. cap. 22. *proximi*

*Naturalis
omnium
hominum
cognatio*

sine amore

*Deus diligere
non potest*

*Ethnici of-
ficia inter
homines a-
gnoverunt.*

v. 39. quasi diceret, Deo, a cujus immensa benignitate omne nostrum esse & bene esse dependet, officium absolute quidem debitum, recte præstari non posse, nisi & quemcunque hominem æque ac nosmet ipsos diligamus. Cum enim ipse, homines licet hostes suos & peccatores, ita supra omnia dilexerit, ut pro horum salute filii sui unigeniti non pepercerit; quid in eo a nobis exigat, facile apparet; imo Sapientes Ethnici, sine gratiosa revelatione, immensi hujus divini amoris erga homines non imbuti, ex solius inferioris naturæ consideratione colligere potuerunt, inter principalissima hominis officia naturæ debita, dilectionem proximi referendam. Sic Seneca *de Ira lib. 1. c. 7.* inquit. Homo in adiutorium mutuum generatus est, *ut. 1. de clem. 1.* Nemo non hominis causa apud te gratus est, & *de vita beata 24.* Ubique homo est ibi beneficio locus est, quod Magnus Hugo Grot. *lib. 1. d. J. B. & P. 1. c. 4. §. 2.* ita exprimit, ut quis alteri prosit, sufficit naturæ humanæ commu-
nio,

nio, ab homine enim nihil humani alienum est; Scilicet uti satis pie Dn. Tesmarus ad hunc locum notavit, si animis nostris bene imprimeretur, quod alteri accidit hodie, id mihi cras evenire posse, nec alienum quicquam esse ab homine, quod humana fors ferre solet, equidem majori cum alacritate obviam iremus injuriis & malis aliis imminentibus; quia vero hoc negligimus, mirum non est, graviter hoc a Deo puniri, & mitti nos sæpius, si non in eosdem, saltem similes casus & cruciatus, quales avertere a proximo poteramus, quo tendit quod Apostolus *ad Gal. 6. v. 1.* monet, si quis erraverit, respice te ipsum, ne quoque incidas in tentationem. Quam clara autem & indubitata hæc sint, illa tamen non solum ab illis, quorum malitia omnem humanitatem exuisse videtur, directa nocendi intentione, reclamante conscientia; sed & ab illis, quorum officio incumberebat alios tueri & errantes corrigere, sub specie pietatis & justitiæ ac officio juxta leges Deo & hominibus præstando,

homo diligendus propter commune omnibus fatum.

hominibus nocent non solum injusti sed & qui justii & boni videntur

*Deus diligere
non potest*

*Ethnici of-
ficia inter
homines a-
gnoverunt.*

v. 39. quasi diceret, Deo, a cuius immensa benignitate omne nostrum esse & bene esse dependet, officium absolute quidem debitum, recte præstari non posse, nisi & quemcunque hominem æque ac nosmet ipsos diligamus. Cum enim ipse, homines licet hostes suos & peccatores, ita supra omnia dilexerit, ut pro horum salute filii sui unigeniti non pepercerit; quid in eo a nobis exigat, facile apparet; imo Sapientes Ethnici, sine gratiosa revelatione, immensi huius divini amoris erga homines non imbuti, ex solius inferioris naturæ consideratione colligere potuerunt, inter principalissima hominis officia naturæ debita, dilectionem proximi referendam. Sic Seneca *de Ira lib. 1. c. 7.* inquit. Homo in adjutorium mutuum generatus est, *it. 1. de clem. 1.* Nemo non hominis causa apud te gratus est, & *de vita beata 24.* Ubique homo est ibi beneficio locus est, quod Magnus Hugo Grot. *lib. 1. d. J. B. & P. c. 4. §. 2.* ita exprimit, ut quis alteri prosit, sufficit naturæ humanæ commu-
nio,

nio, ab homine enim nihil humani alienum est; Scilicet uti satis pie Dn. Tesmarus ad hunc locum notavit, si animis nostris bene imprimeretur, quod alteri accidit hodie, id mihi cras evenire posse, nec alienum quicquam esse ab homine, quod humana fors ferre solet, equidem majori cum alacritate obviam iremus injuriis & malis aliis imminentibus; quia vero hoc negligimus, mirum non est, graviter hoc a Deo puniri, & mitti nos scēpius, si non in eosdem, saltem similes casus & cruciatus, quales avertere a proximo poteramus, quo tendit quod Apostolus *ad Gal. 6. v. 1.* monet, si quis erraverit, respice te ipsum, ne quoque incidas in tentationem. Quam clara autem & indubitata hæc sint, illa tamen non solum ab illis, quorum malitia omnem humanitatem exuisse videtur, directa nocendi intentione, reclamante conscientia; sed & ab illis, quorum officio incumberebat alios tueri & errantes corrigere, sub specie pietatis & justitiæ ac officio juxta leges Deo & hominibus præstando,

homo diligendus propter commune omnibus fatum.

hominibus nocent non solum injusti sed & qui justi & boni videntur

*tortura
crudelitas.*

*Dispositio
dissertatio-
nis.*

quam gravissime labefactari, quoad hos præter multa alia, saltem horrendus torturæ abusus ostendit, quo miseri, de facinore aliquo suspecti, fere in fernalibus, & si fieri possit, plus quam diabolicis cruciatibus exponuntur, ut, qui nullo legitimo probandi modo convinci poterant, atrocitate cruciatuum contra propriam salutem confiteri, seque ita destruere sive jure sive injuria cogantur. Et quia hæc immanitas pleraque Christiana judicia capitalia invasit, operæ pretium duxi, Domini Præsidis super hac materia in collegiis suis propositas meditationes, publica dissertatione, pro ingenii modulo pertractare, ac eruditiori disquisitioni subjicere: acturus 1. de Definitione & Origine torturæ, 2. de requisitis, ut tortura locum habere possit, 3. de ejus usu & abusu per singula criminum genera. Te autem benevole Lector officiose rogo, ut, si unum alterumve a Doctorum communi opinione nimis recedere aut plane singulare tibi videatur, illud sine præconcepta opinione, æquo

æquo animo prius trutinare, quam generaliter improbare, & si in aliquo erratum existimes, amice hoc monere, ac festinationi nimiae, dum propter subitanam avocationem a parentibus factam, intra paucos dies hæc disputatio conscribenda fuit, & bonæ intentioni charitatem inter homines promovendi hoc adscribere velis.

Thes. I.

Licet autem Christoph. Crus. *tract. de indicis Delictorum part. 4. c. 37. n. 1.* existimet, torturam, quid sit, proprie definiri non posse (forte quod inhumani ejus cruciatus omnem humanum conceptum excedere videantur;) non tamen dubitamus, torturam definiri posse, actum judicalem, quo de crimine aut alias in ardua causa de falsitate suspectus quis judicis autoritate ad eruendam veritatem corporis dolori subjicitur. Vid. *l. 1. pr. & §. 25. ff. ad SCtum Syllan. l. 1. pr. ff. d. quest.* Vocantur alias in jure civili *quæstio tot. tit. ff. & C. d. quest.* Inde *quæstiores* vocabantur capitalium criminum Prætores, quorum primum 4. deinde 8. Romæ constituti præcipue ad investigandos autores criminum, servos cruciatibus exponebant, a quibus tamen differebant iudices.

*Definitio
tortura*

*quid Quæ-
siores*

& *judex
questionum*

dices questionum; de amborum illorum officio vid. *Rosin. Corp. Antiq. Rom. lib. 9. c. 18. & cap. 21.* Item *Ca-
lep. lexic. in voce quesitor.*

Th. II.

*origo tortu-
ra non ex ju-
re Divino.*

Quinam autem primi inventores fuerint talis
modi inquirendi veritatem per cruciatus corporis,
non satis liquet: nonnulli, ipsi juri Divino hoc ad-
scribunt tam V. Testamenti, ubi mulier adultera per
haustam aquæ Zeloticæ ad confitendum adulterium
compellebatur. vid. *Numer. 5. v. 12. & seqq.* usque ad
finem, quam N. Testamenti, ubi Christus aliquoties
mentionem facit cruciatorum, quibus delinquens
tradendus sit; Recte autem animadvertenti appare-
bit, aquam zeloticam non fuisse torturæ speciem, sed
miraculosam quandam probationem ac pœnam mu-
lieris adulteræ, & Christum in locis allegatis cum si-
milibus, non agere de criminis nondum probati inve-
stigatione, sed de executione commertæ pœnæ in
reum convictum. cumque S. Scriptura ex ore duo-
rum vel trium testium. *Num. 35. vers. 30. Deut. 17. vers.
6.* vel per juramentum *Ep. ad Ebr. c. 6. v. 16.* verita-
tem indagandam admoneat, verius esse videtur, tor-
turam Ethnicorum inventis originem debere. Vid.
Quint. lib. 10.

*sed ab Ethni-
cis petenda.*

Th. III.

Rhodienses

Quantum autem constat, Rhodienses inter pri-
mos fuerunt, qui homines non solum servos sed & li-
beros pro eruenda veritate torturæ subjecerunt. Vid.

Athenienses.

Cic. in Partition. quos mox imitati Athenienses. vid.

Dio-

Dionys. Gothof. *ad l. 15. ff. d. quest. de Ægyptiis* vid. Ælian. 7. *var. histor.* Item Valer. *cap. 8. §. 4.* Romani autem torturam ordinarie in servos tantum & quidem ad dicendum testimonium decernebant *d. l. 15. & tot. tit. ff. & C. d. quest.* ibique Doctores. habebant autem præcipue tria tormentorum genera. I. Flagellorum vid. Quint. *decl. ult.* item Suet. *in Tib.* II. Fidicularum. *l. 4. C. ad l. Jul. Maj.* Quod tamen genus torturæ ex singulari Principis concessione in criminibus atrocissimis ad ingenuos pertinuisse videtur ex *d. l.* III. Eculei; tormenti genus maxime horribile & ad servos solum destinatum, cujus descriptionem vid. apud Rosin. *Antiq. Rom. lib. 9. c. 31. in fin.* & hoc tormenti genus contra servos veritatis eruendæ causa adhibitum, postmodum a Tiran-
nicis Christianorum persecutoribus ad cruciandos martyres, ut eo acerbiori supplicio afficerentur translatum. De cætero apud Romanos ad mortem condemnati prius verberationibus virgarum & fustium subiciebantur. Vid. Appian. *lib. 3. bell. civ.* Agell. *l. 10. c. 18.* Cicer. *1. de Divinat.* quam verberationem in liberis hominibus, De-
jectio de rupe vel saxo, aut strangulatio in carcere sequebatur; servi autem & qui atrocitate facinoris adempta libertate in servitutem pœnæ inciderant, in crucem agebantur. Vid. Valer. *lib. 8.* idque hisce observatis solennibus. Clamabat iudex: I. liCTOR, colliga manus, verberato, caput obnubito, dein arbori infelici suspendito: mox servus per circum cum virgis cedebatur, furcam ipse ferens, laqueo ductus. Vid. Ros. *d. cap. 31.* ex quo constat Sanctissimum Salvatorem Nostrum abjectissimæ simul ac servili & crudelissimæ pœnæ subiectum, ut nobis liber-

Romani servos ad testimonium dicendum torquebant. diversa genera torture.

Persecutores Christianorum torture usi.

Flagellatio apud Romanos pœnæ capitis liberorum hominum alia quam servorum solennia crucifixionis.

Salvator pœnæ servili

*subjectus
Tortura in
Germania*

tatem pararet. Vid. *Ep. ad Philipp. c. 2. v. 6. & seqq.* Germaniam nostram quod attinet torquendi imanam consuetudinem magis partim a Majoribus adhuc Ethnicis, partim vero ab inquisitoribus Ecclesiæ Papalis, quam ex jure Romano aut alia certa lege assumpsisse verosimile est, cum longe antiquior torturæ usus quam observatio juris Romani in eadem appareat.

Th. IV.

*Differentia
inter tortu-
ram juris
Romani &
hodie usita-
tam.*

Est vero hæc nostris temporibus usitata tortura, omnibus modis diversa ab illa, quæ jure Romano aliarumve Gentium moribus introducta erat; Ibi enim ordinarie tantum servi, si veritas per liberos homines aliove modo prorsus haberi non poterat, in testimonium producti, propter vacillantem illorum fidem, ad veritatem eruendam torturæ subiciebantur, ita quidem, ut hi generaliter de auctore criminis deque ejus occasione modo & mediis interrogati, si singuli circa hæc omnia conveniebant, efficacissime ita veritatem probarent. Vid. *l. 8. pr. junct. l. 1. §. 21. item §. 24. & 25. ff. d. quest.* Nec etiam ultra moderatæ rationis temperamentum torturam exasperare fas erat *l. 7. item l. 10. §. 3. dict. tit.* neque ubi non per accuratam consonantiam plurium idem attestantium veritas haberi poterat, juxta exemplum Danielis in historia Susanna v. 51. & seqq. unius torti dictum ad alterum quomodocunque gravandum admittebatur. *l. 22. d. tit.* ipsisque servis propter vilissimam ipsorum conditionem, & quod contra officium suum in domo domini sui omne malum non averterint, per talem torturam injuria fieri non credebatur. *l. 1. C. d. quest.*

quest. ibique Dd. neque tandem, ubi tortus in se ipsum crimen confitebatur, hæc propria confessio ipsi nocebat. *l. 1. §. 17. ff. d. tit.* imo nec contra proprium dominum, multo minus contra se ipsum torturæ subiciebatur. *tot. tit. ff. & C. d. quest. ibique Dd.* Hodie vero in nostra Germania, miseri inculpati ad hoc torquentur, ut ex propria ipsorum confessione crudelissima morte extinguantur, & sic quasi furentes in se ipsos sevant: porro tales torturæ modi adhibentur, quos sustinere plane impossibile videatur, ut ita necessario sive nocentes sive non, quod ab iis desideratur, confiteri cogantur; & ingeniosa illorum industria laudari solet, qui nova & intolerabiliora cruciatuum genera excogitarunt. De quibus vid. *Picard. decad. 4. histor. polit. observ. c. 6.* Bullæus *ad Constit. Crim. Carol. V. art. 10.* Et quod crudelissimum est, ad dubias & incertas probationes, seu indicia delictum non necessario inferentia, illi, qui de quaesito crimine innocentes esse poterant, extremæ huic miseriæ subjiuntur, & sic in infernalibus angustiis constituti, spem mortis ac fugæ ex hac vita inhumanissimis illis cruciatibus præferre, ac quæ modo ab ipsis desiderantur, confiteri debent. ut taceam illam sæpius adhiberi, ubi jam antea apparet, in nuda confessione inculpati acquiescendum, quo ita damnato & occiso, an innocentem an nocentem iudex occiderit, æque adhuc nescit, dum ne innocentem condemnet torfit, ac per hoc vel ut sciret in nocentem, injuste torfit, vel dum nocentem nesciret, crudelissime occidit. Cum juxta *Cassiodor. lib. 3. epist. 46.* nemo nisi extreme malus & duræ cervicis tam constans est, qui non potius perire, quam

contra humanitatem videtur, cogere ad propriam mortem promovendam Crudelitas & iniquitas torture.

incertus ej. effectus

inter supremas ac detestabiles sensuum cruciatus, miseram ac infamem vitam conservare velit. Potius *ut ait Mimus* etiam innocentes cogit mentiri dolor; & Seneca *ad Lucill. ep. 22.* nemo tam timidus, qui malit cum gravissimo cruciatu pendere quam semel cadere; & Quint. *lib. 5. inst. orat. c. 4.* quemadmodum in tormentorum cruciatu contra propriam salutem quæsitus, facile mentietur qui tormenta ferre potest, sic magis mentietur & ille, qui eadem ferre non potest. Vid. *l. 1. §. 23. ff. b. t. tit. ibique Dd.* Unde non defuerunt, qui argumentis non levibus omnem torturam tanquam crudele & prorsus fallax Ethnicorum inventum & Republica Christiana prorsus eliminandam voluerunt. In specie videatur elegans tractatus auctoris Anonymi *cui tit. Cautio Criminalis in 8vo.* Item Steph. Nathen *condictus Spormacher justitia Vulnerata tit. 3. cap. 4.* & tract. qui hoc anno prodiit. August. Nicolai *super questione An per tormenta veritas elucescat.* alique ab his allegati.

Th. V.

Tortura usus

Quia vero occurrunt casus, ubi constat inquisitos non ex omni parte innocentes esse, sed ad minimum scientiam criminis necessario habere, ac reipublicæ salus requirat, in omnes ejus circumstantias inquirere, veritas autem aliter prorsus haberi non possit; ubi concurrentibus certis requisitis tortura non injuste decernitur, ac merito cum Jctorum quondam Christianissimo B. Dno. Brunnemanno *in l. ult. C. d. quest. n. ult.* exclamandum sit; Periculosissime a plerisque circa
tor-

torturam errari, præsertim ubi sine exactiori consilio, rem hanc periculosissimam, consensu juris Divini destitutam aggrediuntur, videbimus, an non per certa requisita, & exempla per singula criminum genera, rem hanc illustrare possimus.

Th. VI.

Et primo quidem non raro accidit, ut illos quos satis convictos esse credunt, pro eruenda solum ipsorum propria confessione torturæ subijciant: aut (quod eodem recidit) post latam imo & publicatam sententiam capitalem, si miseri condemnati sibi injuste mortem præparari conquerantur, etiam ex loco supplicii vel ultimæ executionis reducantur, & gravissimæ torturæ de novo subijciantur; quo ipso iudices nihil aliud faciunt, quam quod truculentam suam intentionem & appetitum imo fervorem proximo suo dolorem, malum, & crudelitatem inferendi, aut quod condemnatio ab ipsis dictata injusta fuerit, proprio facto prodant; quæ omnia cum Christiano amore imo rationis dictamine pugnare eleganter docet H. Grot. *d. J. B. & P. lib. 2. c. 20. n. 5.* Etenim quoad reum negantem quem iudex pro convicto habet, improbanda est ratio illorum qui tales propterea torquendos esse contendunt, ut ipsis adimatur appellandi potestas. Bald. *in l. 1. n. 9. C. d. juram. calumn. & Vol. 3. Consil. 364.* Carer. *Pract. Crim. pag. 21.* Clar. *pr. Crim. lib. 5. qu. 64.* sicut & Parlamentum Parisiense ex hac ratione reos convictos torturæ subijcere solere testatur. Clar. *d. l.* si enim in causa civili aliqui licet, probationem in prima instantia pro sufficienti

*rei convicti
aut condem-
nati, non am-
plius tor-
quendi.*

declaratam, in appellatione impugnare; cur illud non liceret ad avertendam forte non commeritam mortis poenam? & non desunt exempla, ubi ex post facto apparuit talibus ex opinione judicis convictis & confessis, injuriam factam fuisse; qua propter bonus judex, nullam defensionis speciem miseris condemnandis præciat. Neque tamen manifesto frivolæ & perfrictæ negationi, (contra plane evidentem veritatem & corporis delicti & ejus autoris) facile locum dabit; sed ita convictum, sive neget, sive semel confessum revocet, commeritæ poenæ subjiciat, ne detur progressus in infinitum. Neque nos movet ratio illorum, qui propterea reum negantem torquendum esse volunt, ut æterna ejus salus promoveatur, cum sine confessione & agnitione criminis, remissionem peccati sperare non possit; Quamvis enim non negemus, pium Magistratum, quantum in ipso est, rationem habere debere, salutis animæ puniendorum; ac inde neminem ad supplicium rapiendum, nisi dato prius tempore quo peccata sua agnoscere ac serio detestari possit. H. Grot. *d. 7. B. & P. l. 2. c. 20. n. 12.* attamen hanc poenitentiam tormentis exprimere, tam crudele quam supervacuum & impossibile est. Qua propter rectius sentiunt illi, qui ad eruendam ipsius rei confessionem, super delicto probato, torturam non admittunt; vid. Zang. *d. tort. reor. c. 1. n. 37.* Farinac. *Qu. 38. n. 4.* Carpzov. *Quest. 119. n. 46.* Christin. *Vol. 4. Dec. 204. n. 16.* & ex illis Brunnem. *ad l. 8. §. 1. in f. C. d. question.*

Th. VII.

Limitanda tamen hæc regula erit, ubi perfrictus reus, non tam super proprio facto, (de quo tutius erga talem, expressa protestatio facienda. *Crus. d. c. 37. n. 8.*) quam de sociis criminis interrogandus esset, ibi enim concurrentibus necessariis requisitis sc. 1. si tale sit crimen, a cujus coercitione salus reipublicæ dependeat; *de quo infra.* 2. nonnisi cum aliis complicitibus committi potuerit; vid. *Clar. pract. Crim. d. l. 5. quest. 64. n. 7.* & reliquis infra proponendis cautelis; aliquando torturæ locus relinqui posset; quamvis & hic admodum caute agendum, nec sine exploratis aliis, veritatem confessionis inducentibus circumstantiis, contra socios nominatos procedendum sit. Vid. *Const. Carol. art. 31.* *Carpzov. Quest. 121. n. 20. & seqq.* *Farin. Quest. 53. n. 3. & seqq.* *Brunnem. ad l. 4. C. d. quest. n. 3.* *Zanger. c. 2. n. 57. cum ibid. alleg.*

*Limitatur
ubi reus de
sociis crimi-
nis quæren-
dus.*

Th. VIII.

Porro ut tortura locum inveniat, requiritur subesse crimen atrocius rempublicam turbans, quod nisi ejus perpetratio omni diligentia præcaveatur, vel alii ab eodem absterreantur, societas civilis conservari non posset: licet enim vix ullum reperiatur peccatum quod non quodammodo societatem humanam lædat, si scilicet hæc in statu perfecto, vel primitivo, vel regenerationis consideretur; attamen cum multa Deo debeamus ad quæ vindicanda homini proprie dictum jus non competit; & Majestates humanæ ad tuendam rempublicam ipsis commissam, non ultra, potestatem a Deo acce-

*Tortura præ-
supponit cri-
men atrocius
rempublicæ tur-
bans.*

*Delicta qua-
tenus Deum
offendunt,
pena tempo-*

acce-

*rali non sub-
jacent.*

acceperint, sequitur illa demum horrendis cruciatibus exploranda, quæ si occulta manerent, in præsentissimam reipubl. tenderent perniciem; vid. H. Grot. *d. 3. B. & P. l. 2. c. 20. n. 18. 19. 20.* ibique Tesmarus alique; licet ergo crimen aliquod Deum gravissime offendat, si tamen illud vinculum reipubl. non turbet, non alia quam forte pœna emendatoria, & sic non atrociori, illud coercendum, multo minus ejus exploratio per torturam instituenda erit. Vid. H. Grot. *d. l. n. 20.* & Tesmar. *in not. ibid.* Imo quamvis crimen tale sit, quod atrociori externæ animadversioni subjacet, ut alii ab eo deterreantur, si sc. notorium sit illud a certa persona perpetratum esse; ne impunitas ejus quod in confesso est, alios ad peccandum inducat, tamen si reipubl. non interfit, præsentem in hypothesi casum, in notitiam venire, non facile ad periculosam per tormenta explorationem festinandum, sed illud potius divinæ manifestationi & vindictæ relinquendum erit. Vid. Hug. Grot. *d. l. n. 20.* & Dd. *ibid.* Tiraquell. *d. pœn. caus. 51.* Crus. *d. l. n. 4.*

Th. IX.

*debet certo
constare de
corpore deli-
cti.*

Neque unquam torturæ locus esse potest, ubi de ipso delicto commissio non evidenter constiterit, vid. *l. 1. §. 17. & §. 27. ff. d. quæst. junct. pr. d. l. ibique Dd.* quod, cum a plerisque in decernenda tortura negligatur ansam dedit, ut detestabiles innocentum occisiones secutæ fuerint, de quibus funesta exempla videantur apud Paris de Puteo *in tract. Syndic. in verb. tortura.* Bullæum *ad Const. Carolin. art. 33.* Crus. *d. p. 4. c. 37. n. 21. & 19.* ubi inquit,

quit, qui aliter procedit iudex equum cauda frenat, & post quadrigas caballos jungit.

Th. X.

Quia vero iudex decernendo in aliquem vel plus vel minus quam meruit, gravissimi peccati est reus, illud quam maxime observandum statuimus, ut nemo torturæ subjiciatur, nisi jamdum talis criminis convictus sit, per quot tantos cruciatus quales per torturam ipsi inferendi, meruerit, & de ulteriori atrocitate suspectus sit: quo pertinent omnes articuli Constitutionis Carolinae de indiciis Torturæ loquentes, *ab. art. 20. (ubi & art. 21. de pœna judicum inique torturam decernentium) usque ad art. 47. inclusive.* Nullum ergo indicium ad torturam sufficiens agnoscimus, nisi illud simul crimen aliquod, quamvis non capitale, aut societatem criminis involvat; cujus torquendus per duos testes plene sit convictus. *art. 20. 23. & 30. dict. Const. Car. Sporm. Instit. vulner. tit. 3. c. 6. n. 7. & præprimis n. 23. 24. ibid.* & hoc est quod Dd. dicunt, indicia debere esse certa, clara, & concludentia. *Farinac. qu. 37. n. 3. & 13.* & ut talia sint quæ in innocentem cadere non possint; cujus regulæ unicam exceptionem videtur admittere Constitutio Carolina in d. art. 30. sc. ubi de ipso principali crimine testis unus quidem, sed probatæ bonitatis, fidei ac virtutis; ac de cœtero omni exceptione major, reum cum verosimilibus circumstantiis inculpavit; quæ exceptio cum propter textus. *Num. 35. v. 30. & Deut. 17. v. 6.* omni dubio non careat, non sine summa prudentia judicis, & factis explorata probitate personæ attestantis, aliisque ad-

Tortura non decernenda nisi quis Criminis minoris convictus & de majori suspectus sit.

An ad unius testimonium aliquis torquendus?

miniculis admittenda erit; juxta piam Decisionem B. Dn. Brunnemann. *ad l. 3. C. d. quest. n. 5. cum seqq.* & in specie *n. 10.* præprimis quoque hic adhibenda cautela ex *l. 10. §. f. ff. d. question.* & sic omnes circumstantiæ fideliter actis inferendæ. Ut autem antea requisita probatio, eo certius crimen aliquod involvat, & reum de majori atrocitate suspectum reddat, requiritur ut talis probata inculpatio reo communicetur, utrum illam vel plane infringere, vel saltem suspectam reddere possit; *Const. Carol. art. 28. & art. 47. ibique.* Dd. vid. *Zang. d. tort. c. 3. Farinac. qu. 38. n. 3. it. qu. 94. n. 90.*

Th. XI.

*Tortura non
habet locum
in illis qua ex
sola confessio-
ne dependent.*

Ulterius ad torturam recte decernendam requiritur, illud de quo quæstio instituenda tale esse, quod ex sola & nuda rei confessione non dependeat, ita ut in hac simpliciter acquiescendum sit, sed hujus veritas ex aliis circumstantiis postea demonstrari possit; Si enim nulla, præter confessionem torti, adest demonstratio, æque incertus manebit judex, postquam confessus est reus, ac si confessus non esset; & sic nihil aliud proficit, quam dum dubitabat forte nocentem dimittere, jam innocentem, qui ex impatientia doloris mortem potius eligere voluit, condemnandum, dubitare opus habeat; & hujus requisiti omissa studiosa observatio, potissima causa est, tot funestorum eventuum torturæ, ut multoties ex post facto apparuerit, illos, qui ex indiciis admodum proximis visis, torti & sic factum confessi fuerunt, ac exinde graviori supplicio subjecti, tamen innocentes fuisse, quorum exempla fere infinita, tam ex scriptoribus,

bus, quam ex relationibus certis & propria experientia afferri possent, nisi temporis ratio habenda sit; Usum tamen hujus dogmatis infra in delictorum exemplis ostendemus. vid. interim *Constit. Carolin. art. 48. & art. 56. Carpzov. qu. 124. n. 38. & seqq. it. Rosb. proc. Crim. tit. 5. cap. 9. n. 9. & cap. fin. dict. tit. 5. ubi multis exemplis hoc illustratur.*

Th. XII.

Illud quoque vulgo in confesso est, locum torturæ non esse, nisi res aliter expediri non possit. *l. 8. ff. d. quaestio. ibique Dd. Carpzov. qu. 138. n. 29. cum multis ibid. alleg. it. p. 3. qu. 119. n. 62. & seqq.* quod non solum de deficiente ordinaria aut plena probatione ipsius Criminis de quo quæritur intelligendum, sed etiam eatenus observandum statuimus, ut si reus jamdum criminis capitalis sit convictus, simul tamen, de atrociori aliquo inculpatus sit, pro quo gravius supplicium sustinere deberet; potius leviori mortis pœna puniri, quam ulterior quæstio de eo haberi debebit; nisi socios & conscios scire rei publ. subpræsentissimo periculo admodum interfit. sufficit enim illum ne ulterius nocere possit, e medio tolli, & quemadmodum charitas & misericordia a judiciis quoque abesse non debet, a crudelitate alienus non erit qui ad nullum alium finem torquet quam ut eo magis vindictam erga reum exerceat, quæ tamen etiam in atrocissimis criminibus cum humanitate nedum cum Christianissimo pugnat. *H. Grot. d. c. 20. n. 5. it. n. 15. & seqq.*

Si res aliter expediri possit, tortura locum non habet.

Th. XIII.

*Prædicta con-
junctim ad
torturam re-
quiruntur
omnis in tor-
tura vitan-
dus excessus*

Postquam ergo prædicta requisita omnia, & quidem conjunctim adesse, prudens judex æstimavit, tunc quidem tuto torturam decernere poterit; Ubi tamen circa ipsam ejus executionem notandum, ut illam non ultra adhibeat, quam moderatæ rationis temperamentum desiderat, *l. 10. §. 1. ff. d. quest.* Imo ut sciat absolute ita quæstionem habere oportere, quo tortus tam quoad membra externa, quam quoad internam sanitatem salvus sit, vel innocentiae, vel supplicio. *l. 7. ff. eod. ibique Dd.* Secundo ne ultra quam meritis est inquisitus, dolore afficiatur, juxta illa quæ Th. X. exposita sunt. Quam gravissime autem contra hoc vulgo peccetur, communis imo notissima experientia testis est, dum miseri inquisiti non ad hoc, utrum hoc vel illud commissum seu verum sit, sed præcise, ut illud quod desiderat judex, confiteatur & asserat, torquentur & tam diu tormenta repetuntur exaggerantur & miser horrendis modis dilaniatur, donec confessus fuerit, quæ nec unquam patrauit, nec cogitavit, ut sic tortura non maneat modus erudendæ veritatis, sed modus exsatiandi crudelitatem judicis, sanguinem sitientis, de qua re prolixius vid. Carpzov. *quest. 124. n. 20. & seqq. cum aliis ibidem allegatis*: quo & pertinet, quod sanguisugi carnifices miseros, excruciantos, sub tormentis nudare soleant in partibus, quas Deus & Natura velare voluit; cujus improbitatem late deducit Spormacher in *inslit. vuln. c. 6. n. 25. & 26.* magis tamen adhuc abominabile, quod nonnulli judices vel carnifices talia cruciatuum genera adhibeant, quæ ita humanitati contraria sunt, ut eadem perferre impos-

impossibile sit, e. g. quod post torturam, vel vigiliis continuis, vel siti vel squalidissimis carceribus, & subterraneis speluncis inter serpentes & viperas miseros inquisitos excruciant, vel torturam ultra tempus & modum extendunt. Vid. Spormacher *instit. vuln. dict. c. 6. n. 1.* Crus. *de indiciis part. 4. c. 38. n. 20. & 21. item 28.* Carpz. *d. quæst. 124. n. 20. & seq.* & quamvis Dn. Carpz. *d. l. n. 25.* huic malo satis obviam iri existimet, si iudici (uti fieri solet) certi tormentorum gradus præscribantur; attamen cum hi gradus ita sint comparati, ut singuli vel primus aut infimus illorum, realem torturam continens, vel temporis diuturnitate & repetitione, vel astuta carnificum crudelitate, qui illos aliis adminiculis exasperare sciunt, præprimis pro personarum imbecillitate aut delicata vivendi consuetudine, majorum cruciatum vix admittere videantur; deinde quoque in ultimo torturæ gradu concessio, summi quos humana malitia invenire potuit cruciatus, sine fine & modo sic adhiberi soleant, ut diabolus ipsum, asperius quid quo corpori humano in hac vita noceat, excogitare posse dubium sit, ac pro tralatitio habeatur iudicem executioni torturæ præsentem, prorsus inexorabilem & immiseri- cordem esse, ac imitari debere agrum illum Narviensem qui imbris efficitur ficior, ut sic ille ad ejulantium querelas fiat aridior & severior. vid. Joh. de Pined. *in Job. tom. 2. c. 18. v. 18.* Farin. *d. delict. & pæn. qu. 17. n. 3.* Reink. *d. Reg. Sec. pa. 235.* facile apparet, quod per illam Facultatum Juridicarum & Scabinatum cautelam, illi malo non satis succurratur; nisi & admoneantur iudices, ne carnificum crudelitati nimis indulgeant, sed

*non sufficit
tortura gra-
dus in sen-
tentia præ-
scribi.*

*Pietas in ju-
dice hic re-
quisita*

hos separatim ante actum torturæ severe admoneant, ne modum præscriptum in aliquo excedant, quæ admonitio judicis fieri solet, per consuetam clausulam; *jedoch menschlicher Weise*; quæ & in tertio gradu torturæ non omittenda, & quantum fieri potest, ipse torquendi modus, juxta meritum & constitutionem conditionemve inquisiti, distincte præscribendus. Quam maxime autem in re hac ardua necessarium est, ut & ad concipiendam sententiam, & ad executionem torturæ, tales adhibeantur judices, qui nonnisi fuis erga Deum devotis precibus, cum tremore & misericordia rem hanc aggrediantur, & propriæ prudentiæ multo minus auctoritati aliorum hic non solum innitantur, sed orent ut Deus ipsis det sapientiam & consilium, qui enim hujus legem dilectionis & consilium sapientiæ negligit, perdetur a parvulis & a stultis, & qui detrahit aut addit mentitur. *Proverb. cap. 1. 2. 3. 8. & 12. vid. Joh. Em. ab Rosb. proc. Crim. tit. 5. cap. 8. n. 11.* & sic nemo judex nisi probatæ pietatis & prudentiæ executioni torturæ adesse debet; qui ad omnes circumstantias quam diligentissime attendat, cum & vox ipsa, & cognitionis subtilis diligentia, sermo, & qua quis constantia, qua trepidatione quid dicat, item cujus existimationis quisque in sua civitate est, multa ad illuminandam veritatem conferant. *l. 10. §. 5. ff. d. question.*

Th. XIV.

*ratione lese
Majestatis
Divine tor-*

Quia autem tortura, jure Divino incognita, ac nunquam non periculosa, ex nullo alio fundamento quam ex necessitate publicæ salutis (quæ inter homines, seu

seu in judiciis humanis, suprema lex est,) defendi potest, *tura non de-*
per retro dicta; simul tamen quantum possibile præca- *cernenda*
vendum sit, ne cui fiat injuria, pro temporis ratione il-
lud aliquod exemplis illustrabimus: Et quidem in re-
bus mere divinis, & conscientiam solum concernenti-
bus, e. gr. Heresi; seu inquisitione religionis in repu-
blica prohibita, perjurio, abnegatione Dei, pacto cum
Diabolo, blasphemia, similibusque, torturæ prorsus lo-
cum non esse statuimus, sed pleraque hæc, divino judi-
cio reservanda, cætera non aliter quam plene & legiti-
me probata, & quatenus vinculo reipubl. contraria, pu-
nienda. quo referendus *art. 21. Constit. Carol. it. l. 2. c. d.*
Jurej. Hug. Grot. lib. 2. de J. B. & P. c. 20, n. 4. & seqq.
Potius enim reipubl. interest, ut deficiente probatione
& reo negante, abominabiles in Deum transgressiones
nec fieri posse credantur, nec ulterius propalentur; ac-
cedit, quod in talibus propriæ ita tormentis excussæ
confessioni esset standum, ob quam tamen neminem
recte condemnari posse, supra probatum. Ubi vero in *bene tamen*
hisce ex. gr. in religione anabaptistica, vel alia quæ ex- *in heresi rem-*
ternum regimen prorsus improbare; illudve turbare *publ. turbant-*
intenderet, præsentissimum reipubl. periculum subesset ¹⁶
& ex actibus externis veritas confessionis elici posset,
prohibitorum conventuum, tanquam actuum illicito-
rum convictus, torturæ subjici poterit: De gradibus au-
tem admonitionis observandis, antequam pœna exter-
na hic locum habeat. vid. *Rosb. tit. 6. c. 1. n. 53. & seqq. dict.*
tr. E contra si Demonomania inculpati, convicti fue- *non vero in*
rint superstitiosis artibus & venenis hominibus nocuisse, *Demonoma-*
potius juxta legem Dei, morte puniendi sunt, ne am- *nia,*
plius

pius noceant, quam ut ad eruendas incertas & dubias confessiones, torturæ subjiciantur, vid. apprime Autor Cautiois Criminalis per tot. An & quomodo de cœtero talia in Deum commissa delicta, vel in foro externo puniri, vel transgressores in cœtu fidelium tolerari debeant, brevi Dnus Præses discutiet in Disp. *de usu & abusu pœnarum.*

Th. XV.

*Primario
tortura locus
est, in Crim.
Lese Majest.*

Qui vero Læsæ Majestatis humanæ, vel perduellionis, tanquam criminis, in judicio humano, inter omnia alia atrocissimi insimulantur, siquidem excitatæ aut machinatæ seditionis, tumultus, prohibitorum conventuum, dictorum factorumve inexcusabilium, similibumve ad conspirationem vel inobedientiam excitandam tendentium, convictus, & de ulteriori atrocitate suspectus redditus fuerit, aut licet confessus & plane convictus sit, conscios sociosve nominare recuset, ibidem pro modo circumstantiarum, primi, secundi vel ultimi gradus torturam adhiberi posse concedimus, vid. Carpz. *p. 1. qu. 41.* Rosbach. *Proc. Crim. tit. 6. cap. 1. notab. 1.* quo etiam referenda omnia illa, quæ ad evertenda jura Ecclesiastica illius reipubl. perpetrantur, ita ut nec species religionis hic excusationem tribuat. vid. *l. 5. C. d. his qui ad Eccles. confus. ibique Dd. Alex. Consil. m. col. 1. Vol. 1. versic. nec predictis obstat.* Cum enim Majestati, tam circa divina quam humana quoad externa summum jus competat, & ab ejus salute, omnium subditorum salus dependeat, majori curiositate, pro ejus conservatione vigilandum; ac exinde contra violatores Majestatum pro

pro eruenda ulteriori veritate tortura non injustè decernitur, nec excusationem merentur, qui pro defensione libertatis hoc vel illud via facti & cum violentia se suscepisse prætendunt; cum de actionibus summarum Majestatum, nulli privato judicium competat. vid. H. Grot. *d. J. B. & P. lib. 1. cap. 3. & 4.* & in causis religionis, potius ex republ. migrandum ac quodvis malum sustinendum quam vel quicquam contra Majestatis prohibitionem tentandum; videantur elegantia ad hanc rem facientia allegata apud Hug. Grot. *d. J. B. & P. l. 1. c. 4. n. 7.* Ad nudas vero præsumptiones, ne quidem in Crimine læsæ Majestatis torturæ locus erit. vid. *infra tb. 16. in fin.*

Th. XVI.

Quia vero reipubl. non multo minus intersit, ut singulorum Civium, & illorum quibus liber transitus vel commoratio conceditur, vita in tuto sit, cum ad hoc societates civiles primario coierint, merito pleniori probatione deficiente, contra dolosi homicidii inculpatores, cæteris paribus, quæstio per tormenta instituitur, dummodo indicia talia sint, ut reum convincant, illum non esse plane innocentem, sed ad minimum facti consci-
um, aut in aliquo actu proximo in illicito versatum fuisse, quæ propter circumstantiarum varietatem certis regulis includi non possunt. *Constit. Crim. art. 18.* & quamvis multi Dd. negent, talia indicia certa & indubitata dari, illud tamen eo solum modo pertinet ne ex illis ad pœnam ordinariam quæsitum criminis, aut reo non audito procedi possit; quemadmodum late deducit & probat

*in homicidio
doloso tortu-
ra habet lo-
cum*

*An dentur
indicia cer-
ta & quomo-
do?*

*An imperfe-
ta probatio
sufficiat ad
torturans.*

Joh. Em. ab Rosb. *proc. Crim. tit. 5. C. 8. per tot.* tamen si reus communicatione indiciorum facta, illud ex quo facti illiciti arguitur, nec contraria probatione nec probabili præsumptione elidere possit; juxta *art. 28. Constit. Carol.* & sic ratione inexcusabilis illius facti convictus sit; tunc sane illud indicium judicem certum & indubitatum reddit, reum non esse plane infontem, & inde ratione ipsius homicidii, ulterius per torturam contra illum recte proceditur, præcipue si illud factum delicto proximum, quod alias forte indifferens judicari potuisset, constanter negaverit, e. gr. si quis neget se tempore commissi homicidii in illo loco fuisse, postea tamen mendacii convincatur: ubi quæri solet, quid de imperfecta probatione dicendum; quæ talis est vel ex numero, vel ex qualitate testium; sin prius, supra pro indubitato posuimus, ex unici testis, ratione indicii facta depositione, neminem torquendum, si enim nemo in quacunque vel minima civili causa, nedum ad fustigationem aliamve leviolem criminalem pœnam, ex unici testis asserto condemnandus est, quomodo ad illos cruciatus qui utriusque manus abscissione, nedum fustigatione duriores vid. Rosb. *dict. tit. 5. c. 11. n. 14.* ad dictum unici testis, salva justitia Divina & humana, condemnari poterit? ast ubi plures quidem, sed singulares testes adsunt, illa autem singularitas sit adminiculativa, e. gr. alter testis reum mox ante perpetratum delictum in loco delicti vidit, alter, paulo post delictum, illum ex eodem loco fugientem se vidisse deposuit; huic probationi, testium singularitas non nocebit. vid. Struv. *Synt. Jur. Civ. Exerc. 28. tb. 48. in fin.* Vitium in qualitate

tate testium quod attinet, mirum quidem videtur quod in causa pecuniaria utpote levioris momenti, testes contra quos datur exceptio plenam probationem non faciant, qui tamen in criminalibus ad faciendam plenam probationem admittuntur. Attamen hoc ratione non caret, qui enim in causa civili, de testibus idoneis, cum poterat, sibi non prospexit, & postea actionem instituens, ad probandum unicum & simplex factum obligatorium non nisi testes domesticos aut familiares producit, ejus probatio merito est suspecta; & si ita in probatione defecerit, ipsi imputandum, quod in ipso negotio alios non adhibuerit testes, & sic damnum quod sua culpa sentit, non sentire videtur, in criminalibus vero, ad crimen probandum arbitrarium non est, testes eligere, sed illi qui casu præsentés fuerunt, adhibendi; in quibus iudex (nisi prorsus sint inhabiles) præter ipsius testimonii qualitatem, nihil cuiquam imputare potest, majori tamen sollicitudine in talibus testibus ad omnes vel levissimas circumstantias inquireat, ut ita ex horum harmonia vel dissonantia, verum a falso discernere possit. ad nudas vero præsumptiones, licet prægnantissimas, nemo ad torturam, nedum ad mortem condemnandus, licet hæc ad condemnationem civilem sæpius sufficiant; exemplo sapientissimi judicii Salomonis, qui ad præsumptionem, iudicio civili, alteri mulieri infantem vivum adjudicabat, alteram tamen de infante occiso, iudicio criminali non puniebat. vid. *l. absentem ff. d. pæn. l. f. ff. d. quest.* ibique Bartol. nec obstat *l. 34. C. ad L. Jul. de Adult.* ibi enim proponitur casus, ubi quis legitimis probationibus convictus fuerat, cum alterius uxore in

In Civilibus testes non omni exceptione majores, non plene probant.

Secus in Criminalibus, & quare

præsumptioni in Civilibus est locus in Criminalibus non

eodem forte lecto vel alio actu illicito fuisse, quam adulterii imputationem utrique, mentita sanguinis proximitate declinabant, vid. *l. 19. C. d. SS. Eccles. Gen. 12. v. 12. 13. & c. 20. v. 1. 2. & c. 26. v. 7.* mortuo vero marito prædictæ mulieris, cum antea prætenso consanguineo, matrimonium contrahit; quo facto mendacium detegitur, & facinus adulterii antea commissi probatur, vid. Glossa it. Dn. Brunnemann. *ad d. l.*

Th. XVII.

*quid sit homicidium
dolosum*

*in homicidio
culposo tortura
non est locus*

Dictum est torturam in homicidio doloso locum invenire; ubi notandum, non solum illud pro doloso homicidio habendum, ubi quis ex proposito occidendi occisus est, sed sufficit aliquem in actu doloso, cum telo seu instrumento lætali contra alterum versatum fuisse, aut tale quid ex proposito alterum offendendi suscepisse, ex quo facile scire poterat, alterius vitam periclitari, si ita aliquis occisus est, æque pro doloso homicidio erit habendum. vid. Petr. Foller. *in pr. Crim. sub rubr. pœnis debitis feriantur. n. 32. it. Dd. ad l. 5. C. Ad L. Corn. d. Sicar.* secus est in illo qui ex improvviso ab alio aggressus, lætali percussione alterum occidit, quod pro re nata magis culpæ quam dolo adscribendum. Rosb. *Proc. Crim. tit. 1. c. 4. n. 47. & seqq.* ubi ergo ipsum materiale homicidii non negatur, sed utrum culpa an dolo commissum dubitatur, ibi torturæ ad eruendam intentionem & propositum, non est locus; eo quod hic nudæ confessioni standum esset, quo casu torturam non habere locum supra demonstratum; sed iudex ex circumstantiis hoc arbitra-

bitrari debet per tradita a Petr. de Anchar. *Conf. 216. n. 5. Col. 5.*

Th. XIIIX.

In specie autem omnium homicidiorum probatu difficillimum esse solet, enecatio proprii partus, vulgo infanticidium; quod etiam committitur per poculum abortionis, infantem in utero occidendo, & quidem indistincte quocunque mense a conceptione hoc sit factum, cum pro indubitato habeamus, partum ab initio esse vitalem, in eoque animam non creari, sed per parentes una cum corpore produci. vid. Tertull. *in apolog. c. 9.* quamvis quoad pœnam in foro externo statuendam non injuste observetur distinctio ex *Constit. Carol. art. 133.* Hic vero quam maxime quæritur, quid requiratur ut mulier infanticidii inculcata, torturæ subjiciatur; ubi nec lac in Mammillis, nec reliqua indicia, quæ *in art. 35. Constit. Carol.* continentur, si cadaver occisi infantis non adsit, aut de ejus occisione non constet, sufficere putamus, tam per ea quæ de necessaria certitudine corporis delicti supra demonstrata sunt, quam per expressa verba *in art. 36. & art. 131. vers. So aber* nec sufficit infantem mortuum apparere, sed requiritur, ut ex externis signis, manifesto appareat illum occisum esse; *dict. art. 36.* si vero certum signum mortis violentæ non adsit, partus tamen maturus & perfectus appareat, & mulier confitendo puerperium, prætendat partum illum non vixisse; tunc omnes circumstantiæ, ratione ipsius personæ, loci & temporis, item an eousque constanter negaverit se gravidam esse, diligenter considerandæ; & sicubi ap-

quomodo in infanticidio tortura sit locus quot modis hoc committatur.

pareat mulierum se gravidam esse, antea constanter negasse, tempore appropinquantis puerperii autem solitudinem quæsiuisse, & sic sine adjutorio necessario peperisse, potius non obstante ipsius excusatione ad mortem condemnanda, quam prius quæstioni per tormenta exponenda; cum accedente licet confessione, æque incertus maneat iudex, illaque per hoc, quod solitario suo puerperio, viam infantis in periculum ducere voluerit, secuta morte, homicidii insons non sit, licet forte manus violentas infanti non adhibuerit; nec obstat. *art. 131. constit. Carol. in fin.* quod in conflictu tuebimur. Si vero de destinata solitudine etiam non satis constet, & ex insperato hoc contigisse prætendatur, poena extraordinaria tamen plectenda erit, quod se in tali statu sciens, non maiorem præcautionem adhibuerit. *vid. Menoch. d. præf. lib. 5. præf. ult. n. 2. Raphael Caman. Consil. 134. Col. fin. vers. non autem. Jacob Schultz. in addit. ad Modest. Pistor. p. 3. qu. 133. n. 25. vid. præprimis Carpz. p. 1. qu. 11. n. 36. cum ibid. alleg.*

Th. XIX.

*quid sit A.
dulterium*

*In Adulterio
vix tor-
tura locus*

In Adulterio, (quod non aliter nisi cum alterius uxore committitur. *Levit. 18. v. 20. & C. 20. v. 10. Num. 5. v. 12. 13. Deuter. c. 22. v. 22. & seqq. Job. c. 31. v. 9. Proverb. 6. v. 32. & seqq. Jerem. c. 5. v. 7. 8. Matth. 5. v. 27. nec obstat. Matth. 19. v. 9.*) vix videtur casus, relinqui, in quo torturæ locus sit, cum ibidem præter suspensiones quibus inquisitus gravatus diceretur, nihil nisi ejus confessio supervenire posset, quæ tamen confessio tormentis excussa, iudicem non magis certum reddit, quam antea fuit,
per

per retroducta; vid. Carpz. p. 2. qu. 57. n. 72. & seqq. & n. 77. hinc Constitutio Carolina nullam mentionem facit indiciorum, ratione hujus Criminis in specie ad torturam sufficientium, & sacra Scriptura ubi de adultero morte puniendo mentionem facit, semper casum præsupponit, ubi quis in ipso adulterio deprehensus est; potius ergo quia Salvator *Matth. 5. v. 27.* illum Adulterii reum esse condemnat, qui alterius uxorem concupiscit, illi qui cum alterius uxore sine probabili excusatione in lecto vel alio modo admodum suspectus deprehenderetur, pœna, quamvis extraordinaria, puniendus, quam torturæ subjiciendus esset; vid. Carpz. qu. 60. n. 19. cum seqq. Cumque pro depravatione generis humani, raro inveniantur, qui non aliquando prava carnis concupiscentia ducti fuerint, hi autem in judicio divino ratione hujus Criminis insontes non sint, Isidorus, in *C. non mæchaberis. XXXII. 5.* Ambrosius *C. Nemo blandiatur Caus. 321. qu. 4.* eo magis periculosum erit judici, circa hujus generis delicta, ad tormenta properare, vid. *Job. 8. v. 7. ad Rom. 2. v. 1. & seqq. & v. 22.* H, Grot. d. *J. B. & P. lib. 2. c. 20. n. 3.*

Th. XX.

Furtum quod attinet, in illo primo notandum, illud sine concurrente alio Crimine de jure Divino (quod *An in furto tortura sit* absolute nos obligat, vid. Dni Præs. *disp. de oblig. forensi locus jur. div.*) non esse capitale; vid. Disp. Dn. Præs. *de Jure Inhumaniori tb. 2.* & hinc quia non nisi civili satisfactione puniendum, in eo tortura non inveniet locum; si tamen

Erz. Land-
und Gau-
Diebe non
facile tor-
quendi

men illud sit nocturnum, cum effractione, aut invasio-
ne periculosa, aut alio modo qualificatum, & sic merito
capitali poena puniendum, propter rationem Sanctissi-
mi Salvatoris *Job. 10. v. 10.* tunc probatio 1. ipso Cri-
mine, tanquam corpore delicti; 2. tali facto quod
scientiam vel ipsius facti vel ejus autorum necessario in-
fert; ac ipse reus illam consequentiam ne quidem ulla
probabilitate declinare possit, juxta *Consl. Carol. art. 43.*
it. art. 29. & seqq. junct. art. 28. ibid. tortura admitti po-
terit. vid. Dd. Comm. Præcipue tamen circa saccu-
larios, seu potius fures deperditos *Erz. Gaudiebe*, qui-
bus nostris temporibus Germania magis repleta est,
quam Gallia tempore Henrici Magni erat, notandum;
de illis compertum esse, quod plerumque nullis tormen-
tis ad confessionem adigi possint; & hinc periculosum
esse, tales torturæ subicere, ne perpeffa tortura iterum
evadant, cum maximo damno & periculo patriæ; uti
notabile exemplum brevi abhinc tempore Magdeburgi
contigit; Ubi aliquot utriusque Sexus hujus generis
homines, una, in loco suspecto deprehensi, ac variis
indiciis plane proximis gravati, iterata vice, horrendum
in modum, non solum per omnes ordinarios gradus sed
& aliis crudelissimis inventionibus torti, tanta con-
stantia hæc omnia sustinuerunt, ut nec vera sua no-
mina, nec originem, aut quod alter alterum nove-
rit, fateri voluerint; ex quo post perpeffa tanta tor-
menta, illos prorsus liberandos esse, amplissimæ Fa-
cultates, Francofurtensis & Jenensis pronunciaverant,
quod tamen cum periculosum Magistratui videbatur,
ad Consultationem ejus, Illustris & Magnifica hujus

Fridericianæ Facultas Juridica, hoc sequentem in modum temperavit.

Ob dann wohl sonst durch die überstandene Tortur die obhanden gewesene indicia für elidiret zu halten, und die inquisiti gänzlich loß zu lassen seyn möchten, jedoch bey diesen inquisitis solche Loßlassung sehr bedenklich sey: Allermassen (1) dieselbe durch eine im übrigen wahrbefundene denunciation unterschiedlicher von ihrer Bande schon zum Tode verurtheilter complicum für Erb-Gaudiebe und Beutelschneider umständlich angegeben.

(2) Ihre Thaten und wo sie darüber schon zu würcklicher Haßst und theils tortur gerathen, eigentlich bezeichnet, so in specie die Catharine Sandmanns anfangs zwar beständig geleugnet, endlich aber nach geschener Überzeugung wegen anderwärts schon ausgestandener Tortur gestehen müssen.

(3) Die Nahmen dieser Leute mit eigentlicher Beschreibung ihrer Persohnen, Statur, Kleidungen, theils auch verborgenen Zeichen, wie auch, wo sie sich aufzuhalten pflegten, schon längst,

längst, daß man sich für ihnen, als Erb-Beu-
telschneidern fürzusehen, im Druck heraus ist,
welches alles bey diesen inquisitis haarklein ein-
trifft.

(4) Der Stadt-Magistrat zu Wien ver-
schiedentlich ganz beweglich erinnert, diese dem
ganzen Teutschen Reiche so schädliche Leuthe
nicht wieder auf freyen Fuß kommen zu las-
sen.

(5) Sie überflüssig überführet seyn, daß
sie solche falsche Nahmen gegeben, und auch
noch auf iewige Stunde ihre rechte Nahmen ver-
leugnen.

(6) Im übrigen ex actis unleugbar ist,
daß sie bald hier, bald dar, herumgeschweiffet,
und keine gewisse Wohnung oder Handthierung
gehabt.

(7) So dann auch des auch zu dieser Rot-
te sonder allen Zweifel mit gehörenden durch
Ocular-inspection überzeugten Juden, jedoch
vorgegebenen Christen Levin Westhossen, aus
dem Gefängniß kurz vor dessen ausgestandenen
tortur

tortur denen anderen zugeruffenen Worten:
Was er zugesaget, daß wolle er auch wohl hal-
ten,

Nicht undeutlich zu schliessen, daß sie sich
die tortur auszustehen, und einer den andern
nicht zu verrathen, unter einander verbun-
den;

(8) Im übrigen solche prægnantia indi-
cia wider diese Leute in actis fürgekommen und
erwiesen seyn, die auf Unschuldige nicht fallen
können. Und dann nicht wenig Gefahr daraus
zu besorgen, diese dem Vermuthen nach Erbs-
Gaudiebe auf freyen Fuß zu stellen, salus au-
tem publica merito suprema lex est, dan-
nenhero Wir der Rechtlichen Meynung seyn,
daß gleichwie Wir gegen Levin Westhoffs er-
kannt haben, diese Sache an Sr. Churfürstl.
Durchlaucht. zu Brandenburg, unsern gnädig-
sten Herrn unterthänigst zu referiren, und de-
ren Gnädigsten arbitrio anheim zu geben: ob
nicht bey solchen Umständen diese Leute auf eine
wohlverwahrte Festung zu bringen, und daselbst
Zeit ihres Lebens unter leidlicher Arbeit ver-
wahr-

wahrlich zu behalten, und solches alles W.
R. W.

quomodo
contra die
Gaudiebe
proceden-
dum

Quapropter & quia fere quotidie casus atrocissimorum furtorum ac homicidiorum occultorum emergunt; & hi deperditi homines, quorum in hac civitate & vicinis locis, carceres acervatim sæpius repletos fuisse observavi, qui scenam suam tanta astutia ludere didicerunt, ut nullo modo plene convinci possint; admodum necessum erit ut huic malo, potenti brachio summo conamine resistatur, si non brevi tota respubl. succumbere debeat, Scil. opera publica ubique deberent esse parata. **Scharffe Zucht-Häuser, mit starker und sorgfältiger Verwahrung,** quibus sint prolixo processu omnes ignoti erratici, similesque otiosi, curiose investigandi, qui causam sui itineris aut commorationis non evidenter ostendere possint, statim includi, nec prius inde dimitti deberent, nisi originem & vitam ante actam probent, & melioris frugis certissimam spem faciant, qui vero cum instrumentis occultis lætalibus aut effractoriis deprehenderentur, hi concessio brevi spacio ad suspicionem declinandam; si justam aut probabilem causam cur talia penes se habuerint ostendere non possint, ac de cætero ipsorum persona suspecta sit, sine mora ad ultimum supplicium trahendi, juxta exemplum dicti Henrici IV. quod nisi fiat terrarum Domini, gravissimo reipubl. malo, incommoda tandem vel plane non, vel admodum difficulter corrigenda experientur. vid. Sporm. Inst. vuln. tit. 3. c. 6. n. 1. in f. & n. 8. cum ibid. alleg.

Th. XXI.

Th. XXI.

Plura quidem Criminum exempla hic pertractari *Summa to-*
 possent, nisi temporis ratio mihi sit habenda, exenu- *tius disputa-*
 meratis tamen, de cæteris facile fieri poterit Judicium, *tionis.*
 hoc unicum coronidis loco addens; quod, dum ipse le-
 ges nostræ agnoscant, torturam esse rem fragilem, quæ
 sæpius veritatem fallat, *l. 1. §. 23. ff. d. quæst.* & inde 1. pu-
 bertati proximos, quamvis doli capaces sint, *l. 13. in f. ff.*
d. dolo mal. l. 4. §. 26. ff. d. doli mali & metus except. l. III.
d. Reg. Jur. cum simil. torquendos non esse, diserte statu-
 ant, *l. 10. ff. d. quæst. & l. 1. §. 33. ff. ad SCtum Syllan.* 2. se-
 nes a quæstione per tormenta liberent. *l. 3. §. 7. ff. ad*
SCtum Syllan. quibus Dd. accensent Valetudinarios vid.
 Carpz. *qu. 118. n. 46. cum multis ibid. alleg.* 3. a tormentis
 eximant, in militia vel in dignitate Nobiliori constitutos;
 vid. multa allegata a Carpz. *d. qu. 118. n. 65. cum seqq.* In
 Criminibus autem capitalibus, in quibus solis torturam
 locum habere, supra probavimus, nullam natura agno-
 scat differentiam, præsertim in illis malis, quæ corpori
 humano, & sic ipsi humanitati directo inferuntur, & qui-
 dem ad veritatem dicendam, ab omnibus hominibus æ-
 que requisitam; Reipubl. quoque sine differentia per-
 sonarum interfit, ut nocentium peccata nota sint. *l. 18. pr.*
ff. d. injur. ac pœnas ob maleficia solvi, magna ratio sua-
 deat. *l. 70. §. ult. ff. d. fidejuss.* Et sic ex hac ratione Impe-
 ratores Diocletianus & Maximin. illa veteris juris pri-
 vilegia immunitatis a tortura, ad universos provincia-
 les extenderint. *l. 8 §. 1. in f. C. d. Quæst.* illamque in gene-
 re arbitrio judicis commiserint. vid. etiam *Const. Car. art.*

18. & 28. illud autem divina jura & recte rationis dictamen non offendere, sed conforme esse debeat regula amoris proximi, Viv. Dec. 86. n. 5. Hortens Cavalc. trad. d. brach. reg. p. i. n. 21. & 25. & omne jus ex persona propria metiendum, Oldend. Class. 1. act. 1. Inde generaliter observandum, neminem ad tantos cruciatus, quales tortura infert, condemnandum, nisi eosdem meruisse probatum sit; Sporm. Inst. Vuln. tit. 3. c. 6. n. 7. & n. 23. simulque constet, quod durus hic inquirendi modus, facta confessione, judicem certum reddere possit de ejus veritate: si enim aliquem condemnat ad torturam, cum consueta formula, *erkennen für Recht; & von Rechts wegen*, quem postmodum vel prorsus absolvere, vel de ejus justa condemnatione dubitare debet; jam se ipsum gravissimi mendacii, ac crudelissimæ læsionis proximi, reum facit, quod tamen quamplurimi, autoritate aliorum & præjudiciis potius, quam Solida ratione & sincera Christiana pietate ac charitate nixi, contemnunt, quibus meliorem mentem ex toto corde precamur; Te autem impartialem lectorem rogo, ut quicquid minus recte vel non satis accurate propositum existimes, nimæ (indeclinabili tamen) festinationi adscribere velis.

DEO SIT LAUS ET GLORIA.



a.
la
d.
cia
b.
u.
a.
ue
ef.
fi
ta
n,
us
ra
ni,
io-
era
ui.
Te
us
ni.

